



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

03.07.2020թ.

## Ո Ր Ո Շ ՈՒ Մ

### ՀՀ գնումների հետ կապված բողոքներ քննող անձի թիվ ԱՑ-ՆԳ-2020/133

Հայաստանի Հանրապետության գնումների հետ կապված բողոքներ քննող անձը՝  
ի դեմն Գրիգոր Ներսիսյանի,

Մասնակցությամբ՝ «Մասիսի Գարուն կարի ֆաբրիկա» ՍՊԸ-ի ներկայացուցիչ

Ա. Պարանյանի (լիազորագիր տրված՝ 18.06.2020թ.),

ուսումնասիրելով Հայաստանի Հանրապետության ֆինանսների նախարարության  
16.06.2020թ. թիվ /26/8917-2020 գրությամբ «Մասիսի Գարուն կարի ֆաբրիկա» ՍՊԸ-ին  
գնումների գործընթացին մասնակցելու իրավունք չունեցող մասնակիցների ցուցակում  
ներառելու նպատակով նախաձեռնված ընթացակարգով ներկայացված հիմքերը,  
պարզեցի հետևյալը.

#### **1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը, ՀՀ պաշտպանության նախարարության  
15.06.2020թ. թիվ ՊՆ/ՊՆ/02/1873-2020 գրության հիման վրա, 16.06.2020թ. թիվ  
/26/8917-2020 գրությամբ նախաձեռնել է «Մասիսի Գարուն կարի ֆաբրիկա» ՍՊԸ-ին  
(հետայսու նաև՝ Ընկերություն) գնումների գործընթացին մասնակցելու իրավունք չունեցող  
մասնակիցների ցուցակում ներառելու ընթացակարգ:

## **2. «Մասիսի Գարուն կարի ֆաբրիկա» ՍՊԸ-ի ներկայացրած փաստարկներն և դիրքորոշումը.**

«Մասիսի Գարուն կարի ֆաբրիկա» ՍՊԸ-ն 01.07.2020թ. Գնումների հետ կապված բողոքներ քննող անձին ուղղված գրությամբ հայտնել է հետևյալը.

«ՀՀ պաշտպանության նախարարության (այսուհետև նաև՝ Պատվիրատու) կարիքների համար հայտարարվել է տարբերանշանների, կոճակների ձեռքբերման նպատակով «ՀՀ ՊՆ ՆՏԱԴ-ԳՀԱՊՁԲ-20-7/30» ծածկագրով գնանշման հարցման ընթացակարգ (այսուհետև նաև՝ Ընթացակարգ), որին մասնակցելու նպատակով հայտ է ներկայացրել նաև «Մասիսի Գարուն կարի ֆաբրիկա» ՍՊԸ-ն:

www.gnumner.am համացանցային կայքում 13.05.2020թ. հրապարակված՝ Ընթացակարգով պայմանագիր կնքելու մասին 12.05.2020թ. ընդունված որոշման հայտարարության համաձայն՝ «Մասիսի Գարուն կարի ֆաբրիկա» ՍՊԸ-ն Ընթացակարգի մի շարք չափաբաժիններով հայտարարվել է ընտրված մասնակից և «Գնումների մասին» ՀՀ օրենքի 10-րդ հոդվածի համաձայն սահմանվել է անգործության 5 (հինգ) օրյա ժամկետ (մինչև 18.05.2020թ. ներառյալ):

«Մասիսի Գարուն կարի ֆաբրիկա» ՍՊԸ-ն, լինելով Ընթացակարգի 3, 4, 13, 14, 17, 19, 21, 22, 23, 25, 28 չափաբաժինների մասով ընտրված մասնակցի, չի ստացել Պատվիրատուի կողմից ուղարկված պայմանագիր կնքելու առաջարկը և պայմանագրի նախագիծը:

Այնուհետև, համաձայն Ընթացակարգի գնահատող հանձնաժողովի 09.06.2020թ. տեղի ունեցած նիստի թիվ 4 արձանագրության 1.1 կետի՝ Ընթացակարգի 3, 4, 13, 14, 17, 19, 21, 22, 23, 25, 28 չափաբաժինների մասով «Մասիսի Գարուն կարի ֆաբրիկա» ՍՊԸ-ն Ընթացակարգի հրավերով սահմանված կարգով և ժամկետում չի ներկայացրել պայմանագրի կատարման և որակավորման ապահովումների բանկային երաշխիքները և չի կնքել պայմանագիրը, ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 36-րդ հոդվածի 3-րդ կետի պահանջները, մերժել է «Մասիսի Գարուն կարի ֆաբրիկա» ՍՊԸ-ի ներկայացրած հայտը վերը նշված չափաբաժինների մասով:

«Մասիսի Գարուն կարի ֆաբրիկա» ՍՊԸ-ի կողմից հարցում էր ներկայացվել ՀՀ ֆինանսների նախարարության համապատասխան ստորաբաժնմանը (կցվում է)՝ խնդրելով հայտնել, թե արդյոք գնահատող հանձնաժողովի քարտուղարի կողմից «Մասիսի Գարուն

կարի ֆաբրիկա» ՍՊԸ-ի համապատասխան էլ. հասցեին ուղարկվել է պայմանագիր կնքելու առաջարկը և կնքվելիք պայմանագրի նախագիծը, թե՛ ոչ:

Ի պատասխան վերը նշված հարցման՝ ՀՀ ֆինանսների նախարարությունը պատասխանել է հետևյալը (կցվում է).

Հայտնում ենք, որ «Մասիսի Գարուն կարի ֆաբրիկա» ՍՊԸ-ի 15/06/2020թ. գրությամբ բարձրացրած խնդրի կապակցությամբ ՀՀ ֆինանսների նախարարությունը դիմել է համակարգի տեխնիկական սպասարկումն իրականացնող կազմակերպությանը:

Վերջինս, ուսումնասիրելով համակարգում առկա տեղեկատվությունը, տեղեկացրել է, որ ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով ընթացակարգի շրջանակում գրության մեջ նշված ժամանակահատվածում՝ 21/05/2020թ. ժամը 18:41-ին, պատվիրատուն «Մասիսի Գարուն կարի ֆաբրիկա» ՍՊԸ-ին՝ վերջինիս հետ կնքվելիք պայմանագրի նախագծի հետ ծանոթանալու և օրենսդրությամբ սահմանված ժամկետներում և կարգով կնքելու նպատակով, «Ոչ ավտոմատ ծանուցման» եղանակով մասնակցի կողմից համակարգում գրանցած vaghinak.yeghiazaryan@mail.ru էլեկտրոնային փոստի հասցեով ուղերձ նամակի առաքման գործընթաց է իրականացրել (կցվում է), որի առաքումը, սակայն, ձախողվել է՝ էլեկտրոնային նամակի բավանդակության և կցագրված ֆայլի՝ 7.45MB (կցվում է) միասնական ծավալի մեծ լինելու պատճառով (առավելագույն միասնական ծավալը՝ 10MB), որը վրիպել է վերոգրյալ ընթացակարգի քարտուղարի ուշադրությունից, քանի որ վերջինս, ինչպես նաև գնահատող հանձնաժողովի մյուս անդամները ևս, չեն ստացել առաքված էլեկտրոնային նամակը:

Միաժամանակ հայտնում ենք նաև, որ պայմանագիրը կնքելու առաջարկը՝ պայմանագրի շնորհումը, էլեկտրոնային եղանակով մասնակցին տրամադրվել է 21/05/2020թ. ժամը 18:37-ին պատվիրատուի կողմից իրականացրած «Պայմանագրի շնորհում» առաջադրանքի միջոցով, որի արդյունքում մասնակիցը համակարգի իր կայքէջում ստացել և 22/05/2020թ. ժամը 11:38-ին «Պատասխանել պայմանագրի շնորհմանը» առաջադրանքի միջոցով՝ էլեկտրոնային եղանակով ընդունել է իրեն շնորհված պայմանագիրը:

*Գործի իրավական հիմքերը և հիմնավորումները.*

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Մասիսի Գարուն կարի ֆարրիկա» ՍՊԸ-ն գրկվել է իր մասնակցության իրավունքից լիարժեք օգտվելու հնարավորությունից:

Մասնավորապես՝

«Գնումների մասին» ՀՀ օրենքի 36-րդ հոդվածի 2-րդ մասի համաձայն՝ սույն օրենքի 10-րդ հոդվածով սահմանված անգործության ժամկետը լրանալուն հաջորդող չորս աշխատանքային օրվա ընթացքում պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը: Ընդ որում, պայմանագիրը կարող է կնքվել ոչ շուտ, քան սույն օրենքի 10-րդ հոդվածով սահմանված անգործության ժամկետը լրանալու օրվան հաջորդող երկրորդ աշխատանքային օրը:

ՀՀ կառավարության 526-Ն որոշման 32-րդ կետի 12-րդ ենթակետի համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

Հրավերի՝

9.2 կետի համաձայն՝ հրավերի 1-ին մասի 8.25 կետով սահմանված անգործության ժամկետը լրանալուն հաջորդող չորս աշխատանքային օրվա ընթացքում պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը: Ընդ որում, պայմանագիրը կարող է կնքվել ոչ շուտ, քան սույն հրավերի 1-ին մասի 8.25 կետով սահմանված անգործության ժամկետը լրանալու օրվան հաջորդող երկրորդ աշխատանքային օրը:

9.3 կետի համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է

էլեկտրոնային եղանակով: Ընդ որում պայմանագրում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

Ինչպես արդեն հայտնել ենք, ՀՀ պաշտպանության նախարարության կարիքների համար «Տարբերանշանների, կոճակների» ձեռքբերման նպատակով հայտարարված «ՀՀ ՊՆ ՆՏԱԴ-ԳՀԱՊՁԲ-20-7/30» ծածկագրով գնանշման հարցման ընթացակարգի 3, 4, 13, 14, 17, 19, 21, 22, 23, 25, 28 չափաբաժինների մասով ընտրված մասնակից է ճանաչվել «Մասիսի Գարուն կարի ֆաբրիկա» ՍՊԸ-ն:

Պատվիրատուն սահմանված կարգով և ժամկետում «Մասիսի Գարուն կարի ֆաբրիկա» ՍՊԸ-ին չի ուղարկել պայմանագիր կնքելու առաջարկը և պայմանագրի նախագիծը, որից հետո Ընթացակարգի գնահատող հանձնաժողովի 09.06.2020թ. տեղի ունեցած նիստի թիվ 4 արձանագրության 1.1 կետի համաձայն՝ Ընթացակարգի 3, 4, 13, 14, 17, 19, 21, 22, 23, 25, 28 չափաբաժինների մասով «Մասիսի Գարուն կարի ֆաբրիկա» ՍՊԸ-ն Ընթացակարգի հրավերով սահմանված կարգով և ժամկետում չի ներկայացրել պայմանագրի կատարման և որակավորման ապահովումների բանկային երաշխիքները և չի կնքել պայմանագիրը, ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 36-րդ հոդվածի 3-րդ կետի պահանջները, մերժել է «Մասիսի Գարուն կարի ֆաբրիկա» ՍՊԸ-ի ներկայացրած հայտը վերը նշված չափաբաժինների մասով:

ՀՀ գնումների հետ կապված բողոքներ քննող անձի ուշադրությունն ենք դարձնում այն հանգամանքի վրա, որ «Մասիսի Գարուն կարի ֆաբրիկա» ՍՊԸ-ի կողմից հարցում էր ներկայացվել ՀՀ ֆինանսների նախարարության համապատասխան ստորաբաժնմանը /կցվում է/ խնդրելով հայտնել, թե արդյոք գնահատող հանձնաժողովի քարտուղարի կողմից «Մասիսի Գարուն կարի ֆաբրիկա» ՍՊԸ-ի համապատասխան էլ. հասցեին ուղարկվել է պայմանագիր կնքելու առաջարկը և կնքվելիք պայմանագրի նախագիծը, թե՛ ոչ:

Ի պատասխան վերը նշված հարցման՝ ՀՀ ֆինանսների նախարարությունը պատասխանել է հետևյալը /կցվում է/.

«Հայտնում ենք, որ «Մասիսի Գարուն կարի ֆաբրիկա» ՍՊԸ-ի 15/06/2020թ. գրությամբ բարձրացրած խնդրի կապակցությամբ ՀՀ ֆինանսների նախարարությունը դիմել է համակարգի տեխնիկական սպասարկումն իրականացնող կազմակերպությանը:

Վերջինս ուսումնասիրելով համակարգում առկա տեղեկատվությունը տեղեկացրել է, որ ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով ընթացակարգի շրջանակում գրության մեջ

նշված ժամանակահատվածում՝ 21/05/2020թ. ժամը 18:41-ին պատվիրատուն «Մասիսի Գարուն կարի ֆաբրիկա» ՍՊԸ-ին՝ վերջինիս հետ կնքվելիք պայմանագրի նախագծի հետ ծանոթանալու և օրենսդրությամբ սահմանված ժամկետներում և կարգով կնքելու նպատակով, «Ոչ ավտոմատ ծանուցման» եղանակով մասնակցի կողմից համակարգում գրանցած [vaghinak.yeghiazaryan@mail.ru](mailto:vaghinak.yeghiazaryan@mail.ru) էլեկտրոնային փոստի հասցեով ուղերձ նամակի առաքման գործընթաց է իրականացրել (կցվում է), որի առաքումը, սակայն, ձախողվել է՝ էլեկտրոնային նամակի բավանդակության և կցագրված ֆայլի՝ 7.45MB (կցվում է) միասնական ծավալի մեծ լինելու պատճառով (առավելագույն միասնական ծավալը՝ 10MB), որը վրիպել է վերոգրյալ ընթացակարգի քարտուղարի ուշադրությունից, քանի որ վերջինս, ինչպես նաև գնահատող հանձնաժողովի մյուս անդամները ևս չեն ստացել առաքված էլեկտրոնային նամակը:

Միաժամանակ հայտնում ենք նաև, որ պայմանագիրը կնքելու առաջարկը՝ պայմանագրի շնորհումը, էլեկտրոնային եղանակով մասնակցին տրամադրվել է 21/05/2020թ. ժամը 18:37-ին պատվիրատուի կողմից իրականացրած «Պայմանագրի շնորհում» առաջադրանքի միջոցով, որի արդյունքում մասնակիցը համակարգի իր կայքէջում ստացել և 22/05/2020թ. ժամը 11:38-ին «Պատասխանել պայմանագրի շնորհմանը» առաջադրանքի միջոցով՝ էլեկտրոնային եղանակով ընդունել է իրեն շնորհված պայմանագիրը»:

Հաշվի առնելով այն հանգամանքը, որ «Մասիսի Գարուն կարի ֆաբրիկա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ՆԳ-2020/133 ընթացակարգի համար հիմք է հանդիսացել վերջինիս կողմից ընթացակարգի հրավերով սահմանված կարգով և ժամկետում ստորագրված պայմանագիրը Պատվիրատուին չներկայացնելու հանգամանքը, ապա ՀՀ ֆինանսների նախարարության կողմից ներկայացված պատասխանից փաստվում է, որ «Մասիսի Գարուն կարի ֆաբրիկա» ՍՊԸ-ին՝ վերջինիս հետ կնքվելիք պայմանագրի նախագծի հետ ծանոթանալու և օրենսդրությամբ սահմանված ժամկետներում և կարգով կնքելու նպատակով, «Ոչ ավտոմատ ծանուցման» եղանակով Պատվիրատուի կողմից համակարգում գրանցած [vaghinak.yeghiazaryan@mail.ru](mailto:vaghinak.yeghiazaryan@mail.ru) էլեկտրոնային փոստի հասցեով ուղերձ նամակի առաքման գործընթաց է իրականացրել, որի առաքումը, սակայն, ձախողվել է՝ ինչն էլ պատճառն է դարձել այն հանգամանքի, որ «Մասիսի Գարուն կարի ֆաբրիկա» ՍՊԸ-ն Պատվիրատուից չստանալով պայմանագրի

նախագիծը՝ չէր կարող ուղղակիորեն ներկայացնել ստորագրված պայմանագիր, քանի որ այն ուղղակի «Մասիսի Գարուն կարի ֆաբրիկա» ՍՊԸ-ին չի ուղարկվել»:

Ամփոփելով վերոգրյալը՝ Ընկերությունը խնդրել է «Մասիսի Գարուն կարի ֆաբրիկա» ՍՊԸ-ին չվերագրել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված որևէ խախտում և վերջինիս չներառել գնումների գործընթացին մասնակցելու իրավունք չունեցող մասնակիցների ցուցակում:

«Մասիսի Գարուն կարի ֆաբրիկա» ՍՊԸ-ն, պատշաճ ծանուցված լինելով ՍՅ-ՆԳ-2020/133 ընթացակարգի շրջանակներում 24.06.2020թ. ժամը 10:35-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով միջնորդել է նիստը հետաձգել մինչ Ընկերության կողմից 17.06.2020թ. ներկայացված թիվ ԳԲՔԱ-ՆԳ-2020/54 բողոքով Գնումների հետ կապված բողոքներ քննող անձ Գ.Ներսիսյանի կողմից վերջնական որոշում կայացնելը:

### **3. ՀՀ պաշտպանության նախարարության կողմից ներկայացված փաստարկները և դիրքորոշումը.**

ՀՀ պաշտպանության նախարարությունը (հետայսու՝ նաև՝ Պատվիրատու) ՀՀ ֆինանսների նախարարությանն ուղղված 15.06.2020թ. թիվ ՊՆ/ՊՆ/02/1873-2020 գրությամբ հայտնել է հետևյալը.

««ՀՀ ՊՆ ՆՏԱԴ-ԳՀԱՊՁԲ-20-7/30» ծածկագրով գնանշման հարցման ընթացակարգի 3, 4, 13, 14, 17, 19, 21, 22, 23, 25 և 28-րդ չափաբաժինների մասով՝ «Մասիսի Գարուն կարի ֆաբրիկա» ՍՊԸ-ն: 21.05.2020թ. սահմանված կարգով համակարգի (armeps.am) միջոցով պայմանագիր կնքելու մասին ծանուցումը և պայմանագրի նախագիծը ուղարկվել է Ընկերությանը: Սակայն վերջինս ընթացակարգի հրավերով սահմանված կարգով և ժամկետում չի ստորագրել պայմանագիրը և պատվիրատուին ներկայացրել պայմանագրի ու որակավորման ապահովումները, ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի պահանջները, 09.06.2020թ. մերժել է «Մասիսի Գարուն կարի ֆաբրիկա» ՍՊԸ-ի հայտը»:

Ամփոփելով՝ Պատվիրատուն հայտնել է, որ ներկայացվում է Ընկերության վերաբերյալ անհրաժեշտ փաստաթղթերը՝ գնումների գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով:

Պատվիրատուն, պատշաճ ծանուցված լինելով ՍՑ-ՆԳ-2020/133 ընթացակարգի շրջանակներում 24.06.2020թ. ժամը 10:35-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

#### **4. ՍՑ-ՆԳ-2020/133 ընթացակարգի քննության համար էական նշանակություն ունեցող փաստերը.**

ՍՑ-ՆԳ-2020/133 ընթացակարգի քննության համար էական նշանակություն ունեն հետևյալ փաստերը.

1. ՀՀ պաշտպանության նախարարության կողմից տարբերանշանների, կոճակների ձեռքբերման նպատակով հայտարարվել է ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով գնանշման հարցման ընթացակարգ (հետայսու նաև՝ Ընթացակարգ), որին մասնակցելու նպատակով հայտ է ներկայացրել «Մասիսի Գարուն կարի ֆաբրիկա» ՍՊԸ-ն:

2. Ընթացակարգի գնահատող հանձնաժողովի նիստի թիվ 3 արձանագրության համաձայն՝ 12.05.2020թ. Ընկերությունը 3-րդ, 4-րդ, 13-րդ, 14-րդ, 17-րդ, 19-րդ, 21-րդ, 22-րդ, 23-րդ, 25-րդ և 28-րդ չափաբաժինների մասով ճանաչվել է ընտրված մասնակից:

3. Պատվիրատուն 21.05.2020թ. Armeps էլեկտրոնային գնումների համակարգի միջոցով ծանուցել է Ընկերությանը՝ ներկայացնելով պայմանագրի նախագիծը՝ ճանդթանալու և օրենսդրությամբ սահմանված ժամկետում ու կարգով կնքելու նպատակով:

4. Ընթացակարգի գնահատող հանձնաժողովի 09.06.2020թ. նիստի թիվ 4 արձանագրությամբ արձանագրվել է, որ Ընկերությունը սահմանված կարգով և ժամկետում չի ստորագրել պայմանագիրը և պատվիրատուին ներկայացրել պայմանագրի ու որակավորման ապահովումները, ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի պահանջները, մերժել է «Մասիսի Գարուն կարի ֆաբրիկա» ՍՊԸ-ի հայտը:

5. Ընկերությունը 01.07.2020թ. Գնումների հետ կապված բողոքներ քննող անձին ուղղված գրությամբ հայտնել է, որ «Մասիսի Գարուն կարի ֆաբրիկա» ՍՊԸ-ն, լինելով Ընթացակարգի 3-րդ, 4-րդ, 13-րդ, 14-րդ, 17-րդ, 19-րդ, 21-րդ, 22-րդ, 23-րդ, 25-րդ և 28-րդ չափաբաժինների մասով ընտրված մասնակից, չի ստացել Պատվիրատուի կողմից ուղարկված պայմանագիր կնքելու առաջարկը և պայմանագրի նախագիծը:



**5. ՀՀ գնումների հետ կապված բողոքներ քննող անձի հիմնավորումները և եզրահանգումը.**

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 16.06.2020թ. թիվ /26/8917-2020 և 26.06.2020թ. թիվ Ն/26-1/13109-2020 գրությունները, ՀՀ պաշտպանության նախարարության 15.06.2020թ. թիվ ՊՆ/ՊՆ/02/1873-2020 գրությունը՝ կից փաստաթղթերով, «Այյունեթվորքս» ՍՊԸ-ի 29.06.2020թ. գրությունը, «Մասիսի Գարուն կարի ֆաբրիկա» ՍՊԸ-ի գրությունը՝ կից փաստաթղթերով, հայտնում եմ հետևյալը.

«Գնումների մասին» ՀՀ օրենքի (հետայսու նաև Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի համաձայն՝

1. Պայմանագիր կնքվում է գնահատող հանձնաժողովի որոշման հիման վրա՝ պատվիրատուի կողմից:

2. Սույն օրենքի 10-րդ հոդվածով սահմանված անգործության ժամկետը լրանալուն հաջորդող չորս աշխատանքային օրվա ընթացքում պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը: Ընդ որում, պայմանագիրը կարող է կնքվել ոչ շուտ, քան սույն օրենքի 10-րդ հոդվածով սահմանված անգործության ժամկետը լրանալու օրվան հաջորդող երկրորդ աշխատանքային օրը:

3. **Եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրը ստորագրելու իրավունքից:**

«Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու՝ նաև՝ Կարգ) 32-րդ կետի 1-ին ենթակետի գ) պարբերության համաձայն՝ հրավերով նախատեսվում է նաև, որ՝ մասնակիցը հայտով ներկայացնում է՝ իր կողմից հաստատված հավաստում՝ ընտրված մասնակից ճանաչվելու դեպքում, օրենքի 35-րդ հոդվածով սահմանված ժամկետում, ներկայացրած գնային առաջարկի չափով որակավորման ապահովում ներկայացնելու պարտավորության մասին:

Կարգի 32-րդ կետի 12-րդ և 13-րդ ենթակետերի համաձայն՝

12) ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

13) ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Նույն կետի 19-րդ ենթակետի համաձայն՝ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

ՀՀ պաշտպանության նախարարության կողմից տարբերանշանների, կոճակների ձեռքբերման նպատակով հայտարարվել է ՀՀ ՊՆ ՆՏԱԴ-ԳՀԱՊՁԲ-20-7/30» ծածկագրով գնանշման հարցման ընթացակարգ, որին մասնակցելու նպատակով հայտ է ներկայացրել նաև «Մասիսի Գարուն կարի ֆաբրիկա» ՍՊԸ-ն:

Ընթացակարգի գնահատող հանձնաժողովի նիստի թիվ 3 արձանագրության համաձայն՝ 12.05.2020թ. Ընկերությունը 3-րդ, 4-րդ, 13-րդ, 14-րդ, 17-րդ, 19-րդ, 21-րդ, 22-րդ, 23-րդ, 25-րդ և 28-րդ չափաբաժինների մասով ճանաչվել է ընտրված մասնակից և 21.05.2020թ. Armeps էլեկտրոնային գնումների համակարգի միջոցով ծանուցվել է՝ պայմանագրի նախագծին ծանոթանալու և օրենսդրությամբ սահմանված ժամկետում ու կարգով կնքելու վերաբերյալ:

Ընթացակարգի գնահատող հանձնաժողովի 09.06.2020թ. նիստի թիվ 4 արձանագրությամբ արձանագրվել է, որ Ընկերությունը սահմանված կարգով և ժամկետում չի ստորագրել պայմանագիրը և պատվիրատուին ներկայացրել պայմանագրի ու որակավորման ապահովումները, ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի պահանջները, մերժել է «Մասիսի Գարուն կարի ֆաբրիկա» ՍՊԸ-ի հայտը:

Այսպիսով՝ Ընկերությունը 01.07.2020թ. Գնումների հետ կապված բողոքներ քննող անձին ուղղված գրությամբ հայտնել է, որ «Մասիսի Գարուն կարի ֆաբրիկա» ՍՊԸ-ն, լինելով Ընթացակարգի -րդ, 4-րդ, 13-րդ, 14-րդ, 17-րդ, 19-րդ, 21-րդ, 22-րդ, 23-րդ, 25-րդ և

28-րդ չափաբաժինների մասով ընտրված մասնակից, չի ստացել Պատվիրատուի կողմից ուղարկված պայմանագիր կնքելու առաջարկը և պայմանագրի նախագիծը:

Վերը նշված փաստերով պայմանավորված՝ Գնումների հետ կապված բողոքներ քննող անձը 22.06.2020թ. և 26.06.2020թ. համապատասխան գրություններով դիմել է ՀՀ ֆինանսների նախարարությանը և «Այյունեթվորքս» ՍՊԸ-ին (armeps էլեկտրոնային գնումների համակարգի տեխնիկական սպասարկումն իրականացնող ընկերություն)՝ խնդրելով հնարավորինս սեղմ ժամկետում տրամադրելու տեղեկատվություն՝ ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով ընթացակարգի շրջանակներում ՀՀ պաշտպանության նախարարության կողմից Armeps էլեկտրոնային գնումների համակարգի միջոցով իրականացված ծանուցումների վերաբերյալ:

Ի պատասխան վերը նշված գրության՝ ՀՀ ֆինանսների նախարարությունը 26.06.2020թ. թիվ Ն/26-1/13109-2020 գրությամբ հայտնել է հետևյալը.

«Էլեկտրոնային գնումների համակարգում առկա տեղեկատվության վերլուծությունը ցույց է տալիս, որ ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով ընթացակարգի շրջանակում գնահատող հանձնաժողովի քարտուղարի կողմից «Մասիսի Գարուն կարի ֆաբրիկա» ՍՊԸ-ին՝ վերջինիս հետ կնքվելիք պայմանագրի նախագծի հետ ծանոթանալու և օրենսդրությամբ սահմանված ժամկետներում և կարգով կնքելու նպատակով, «Ոչ ավտոմատ ծանուցման» եղանակով մասնակցի կողմից համակարգում գրանցած [vaghinak.yeghiazaryan@mail.ru](mailto:vaghinak.yeghiazaryan@mail.ru) էլեկտրոնային փոստի հասցեով ուղերձ նամակի առաքման գործընթաց է իրականացրել (կցվում է), որի առաքումը, սակայն, ձախողվել է՝ էլեկտրոնային նամակի բավանդակության և կցագրված ֆայլի՝ 7.45MB (կցվում է) միասնական ծավալի մեծ լինելու պատճառով (առավելագույն միասնական ծավալը՝ 10MB): Կից ներկայացնում ենք նաև վերոգրյալ ընթացակարգի շրջանակում պատվիրատուի կողմից առաքած մնացած բոլոր ծանուցումները ֆայլային տարբերակներով»:

«Այյունեթվորքս» ՍՊԸ-ն 29.06.2020թ. գրությամբ հայտնել է հետևյալը.

«ՀՀ ՊՆ ՆՏԱԴ-ԳՀԱՊՁԲ-20-7/30 ծածկագրով ընթացակարգի շրջանակում՝ 21/05/2020թ. պատվիրատուն «Մասիսի Գարուն կարի ֆաբրիկա» ՍՊԸ-ին՝ մասնակցի կողմից համակարգում գրանցված [vaghinak.yeghiazaryan@mail.ru](mailto:vaghinak.yeghiazaryan@mail.ru) էլեկտրոնային փոստի հասցեին, «Ոչ ավտոմատ ծանուցման» եղանակով նամակ է ուղարկել, որի առաքումը ձախողվել է, քանի որ Armeps էլեկտրոնային գնումների համակարգում էլեկտրոնային

նամակի առավելագույն չափի սահմանափակումը 10MB է, իսկ այս դեպքում՝ էլեկտրոնային նամակի բովանդակության և կցագրված ֆայլի միասնական ծավալը եղել է թույլատրելիից մեծ:

Ոչ միայն մասնակիցը, այլ նաև գնահատող հանձնաժողովի մյուս անդամները ևս չեն ստացել առաքված էլեկտրոնային նամակը»:

Այսպիսով՝ վերը նշված փաստերով պայմանավորված և սույն գործի փաստական հանգամանքների համադրված վերլուծության արդյունքում արձանագրում եմ, որ Ընկերությունն իր կամքից անկախ՝ չստանալով պայմանագիր կնքելու առաջարկը և պայմանագրի նախագիծը, փաստացի զրկվել է ՀՀ ՊՆ ՆՏԱԴ-ԳՀԱՊԶԲ-20-7/30 ծածկագրով ընթացակարգի շրջանակներում պայմանագիրը կնքելու իրավունքից, ուստի նման փաստական հանգամանքներով պայմանավորված՝ գտնում եմ, որ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետով նախատեսված պատասխանատվությունը չի կարող վրա հասնել և հանգեցնել «Մասիսի Գարուն կարի ֆաբրիկա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելուն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

## Ո Ր Ո Շ Ե Ց Ի

Հայաստանի Հանրապետության ֆինանսների նախարարության 16.06.2020թ. թիվ /26/8917-2020 գրությամբ «Մասիսի Գարուն կարի ֆաբրիկա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված  
բողոքներ քննող անձ՝**



**ԳՐԻԳՈՐ ՆԵՐՍԻՍՅԱՆ**